

# Ab'essomero Iya IBUN HAMIS ISLAMIC Sch. bajaganyizza okweriisa enkuuli mu bigezo ebyafulumye

Bya HANNINGTON NKALUBO

ESSANYU libugaanye abazadde n'abakulira essomero Iya IBUN HAMIS ISLAMIC Senior Secondary School erisangibwa e Kigoogwa - Matugga ku luguudo lw'e Bombo abayizi baabwe 10 bwe baasinze mu ggwanga lyonna mu bibuuzo by'eddiini y'Obusiraamu.

Ebibuuzo bya S4 ne S6, ebiri wansi w'ekitebe ky'Obusiraamu e Kampal-amukadde, byafulumye ku Lwokutaano lwa wiiki ewedde era abayizi 10 abeegoberedde mu kukola obulungi baavudde mu ssomero lino.

Naggayi Zulfah ye yasinze mu ggwanga lyonna n'addirwa banne mwenda bwe basomera mu ssomero limu okuli Jurajjah Bint Habib, Hamis Wamiti, Shifrah Nantaba, Bashirah Nayebale, Shaban Masaba, Mwamini Najuma, Amal Umar Guggumiza, Abdul Jabaar Kayiwa ne Abdul Wahib Sulaiman Golooba.

Abalala nabo baayitidde waggulu okuli: Najib Njuki Kibunga, Rayhan Kalule, Zaahidah Rahmah Nakalema, Fatwiina Amir Katudde, Uthuman Mudathir Bubbi, Abasi Ssembatya, Hudah Mirembe, Fatiha Amiri Katudde, Uwais Al Quarni Kiberu, Sharifah Mariam Nanyonga, Swafiyu Mugenyi, Hajarah Nakandi, Abdulhim Ssimbwa, Umar Ssembogga ne Abdul Rahman Ssimbwa bonna baayitidde mu ddaala lisooka.

Nnannyini ssomero Sheikh Amir Katudde naye yatuuzizza abaana babiri okuli Fatwiina Amiri Katudde ne Fatiha Amir Katudde nga balongo ne munne bwe baalitandika



Abamu ku bayizi nga basanyukira bannaabwe ku ssomero okuyitira waggulu.



Abayizi abaatikirwa ku Bwasheikh ku ssomero Iya IBUN Hamis Islamic SS.

Sheikh Siraje Kasirye baagambye nti omutindo gw'abasomesa, omusingi gw'eddiini enkola y'okusomesa ku mutimbagano (E-Learning), enkolagana y'abazadde n'essomero ssako okugondera amateeka g'ebyenjigiriza bye biyitimusizza essomero lyabwe. Bagambye nti amaanyi bagatadde ku nsomesa ya Secular, ebyeddiini, ebyemikono, ebyemizannyo ne ssaayansi kubanga essomero litudde ku ttaka eggazi obulungi ate ery'obwannannyini nga buli kimu ekikozesebwa kiri munda

mu ssomero abayizi tebafulumama okuli n'omuzikiti.

Mu bibuuzo bya S4 ebiwedde, abaana baayitira waggulu okuli Anwar Matovu, Najib Mubiru, Hamis Musiitwa, Fahad Kakungulu era abazadde ne basiima abasomesa olw'omutindo gwe batadde mu bayizi. Omwaka oguwedde, baatikira abayizi abaakuguka mu byeddiini era abamu ne basindikibwa e Saudi Arabia okwongera okukakata mu Bwasheikh. Bakyawandiisa abayizi abapya mu bibiina byonna.



Omu ku bazadde era nnannyini ssomero Sheikh Amir Katudde (wakati) ng'asanyuka n'abaana be abalongo abaayitidde waggulu.



Bannannyini ssomero Iya IBUN HAMIS Islamic School n'abasomesa ababangula abayizi nga bajaganya okubayisiza waggulu.



Bannannyini ssomero nga beetegera ebibuuzo by'abayizi baabwe ebyabasanyusizza olw'okubiyitira waggulu.